

Акафист Божией Матери пред ея иконою именуемую «Тучная Гора»

Кондак 1

Избранная от всех родов людских, Пресвятая Богородице, сосуде чистый, Невмещаемого вместившая, Гору, еяже пределы до Царствия Божия достигают и ко Христу возводят зовущих Ти: Радуйся Царице Небесная, Гору Тучная, еюже к человеку сниде Бог.

Икос 1

Ангели со архангели дивяхуся древнему провидению Божию о Тебе, аще убо царь Давид прорече Тя псаломсте аки Гору Тучную, яко зря удел Твой земный, гору Афонскую, юже тучи покрываша во дне Твоего пришествия на ню, мы же поклоняся ныне всечестней иконе Твоей славословим Тя сице: Радуйся Дева Пречистая, паче всех дев архангелом обрадованная; радуйся Жено, Еяже утроба ширше облак тучных. Радуйся Звездо, являющая Солнце; радуйся Семя произрастившее Древо живота вечнаго. Радуйся Двере непроходимая еюже пройде Создавший вся; радуйся Попечение о людех неустанное. Радуйся еюже раи обновляется; радуйся еяже молитва непрестанно возносится к Богу. Радуйся Царице Небесная, Гору Тучная, еюже к человеку сниде Бог.

Кондак 2

Видя под покровом твоим Гору Святую Афонскую, истинный раб Божий Савватие, напечатле в душе своей образ Твой святыи с горою в руке, Церковью на ней и благословляющим ю Богомладенцем, Спасителем нашим, емуже песнь воспеваем присно: Аллилуия.

Икос 2

Разумея глубину духовную сего образа и возвратяся в землю отчую богомудре отче наш Савватие научи иноцев Воршина монастыря како на святей иконе Твоей изобразити Тя, чудотворящую выну, всего ангельского образа Заступницу и во бдениех полнощных чистым сердцем воспевати Ти сицевая: Радуйся игуменов право устрояющих обители Божия присная Похвало радуйся иноцев смиренных и пречестных Отрадо Радуйся целомудрия Училище благое радуйся нестяжавых земные блага небесное дивное Наследие Радуйся послушание до конца исполнивших превечная Славо радуйся незлобивых и кротких извечное обетованное Блаженство Радуйся милующих Милость, сердца верных согревающая радуйся не токмо иноцев но и мирян Заступающая Радуйся Царице Небесная, Гору Тучная, еюже к человеку сниде Бог.

Кондак 3

Сила вышняго осеняет всякого с верою и благоговением припадающаго к честному образу Твоему, покланяся Первообразу и Богу Слову, яко Цвету благоуханному на усыренной почве Тучной Горы процветшему, емуже со умилением вопием: Аллилуия.

Икос 3

Имуще благое намерение поработати во славу Господню и ради Пречистой Его Матери благочестивый тферитянин Косма потрудися паче уговора с игуменом Воршинским на устройении соборней церкви в честь Вознесения Божия. Той же игумен добрый видя его рвение и благодаря трудника сего рекл еси: избери себе в мзду любую икону, яже зряше во святей обители сей. Трудник же добрый избра позабытый братией на клиросе образ Богородицы и обретиши его возопил с веселием к Тебе сицевая:

Радуйся забвенных святынь обречение

радуйся благочестивым и трудящимся вспоможение

Радуйся с неюже сорадуются ангели

радуйся о нейже непрестанно трепещут демони

Радуйся яко в славе вечной пребываеши

радуйся яко во свете любви Отчей с Присносуцим Сыном Своим сретилася еси

Радуйся во движениях Духа Божия Благодати исполнилася еси

радуйся Троического благословения в Рождестве Своем сподобилася еси

Радуйся Царице Небесная, Горо Тучная, еюже к человеку сниде Бог.

Кондак 4

Бурю злых прилогов потопляя в благодати сердечней любви Твоей к роду человеческому, иноцы проводиша святую икону Твою. Благочестивый же Косма, испросиша благословения Твоего в путь отыде в дом свой, радостно воспевая за сей многоценный дар Превечному Богу: Аллилуия.

Икос 4

Слышаша о великих милостях Божией Матери но не уразумеша ничесоже и повинуюся обычаям лукавым потомки Космы небреженни ко святей Твоей иконе быша и предаде забвению ю в грязном чулане, мы же видя и в себе множество небрежений, но понуждаемии Тобою исправить нрав свой к благочестию благодарно вопием Ти сице:

Радуйся неумолчный Источниче молитв о нас к Богу Вышнему

радуйся Радосте светлая паче всякия земныя радости

Радуйся ко благому нас Направляющая

радуйся присное попечение и о чадах наших Являющая

Радуйся сирых Усыновление

радуйся вдовиц надежное Заступление

Радуйся душ теплохладных по Бозе Разгорячение

*радуйся небреженных ко святыни неліцеприятное Осуждение
Радуйся Царице Небесная, Горо Тучная, еюже к человеком сниде Бог.*

Кондак 5

*Яко боготечней звезде покланяемся ныне пречестней иконе Твоей зряще ю
источником многих исцелений и кладезем всемошныя помощи Твоя
супротив силы бесовския, возстающия на верных чад Церкви Божией, ихже
восприяла еси в сыновство вкупе со святым апостолом Иоанном, егда Сын
Твой Божественный висяй на Древе Крестнем рекл еси: «Жено, се, сын Твой».
Мы же благодарне за Матерь таковую рода нашего вопием Христу Богу:
Аллилуиа.*

Икос 5

*Видяще муку сердечную молодой жены от мужнего злаго буйства, яко та не
може претерпети боле и готова согрешити несмываемым грехом
самоубиения, Приснодева посла единаго святаго от лика преподобных. Сей
инок дивный предста пред отчаянной и рекл еси к ней «Куда ты грядеши,
безумная?» И повеле ей обряци на чердаке всечестный и славный образ
Владычицы именуемый Тучная Горо и помолитися пред ним и буде ослаба ей
и радость велия. И посем инок изчезе. Та же жена соблюла бе реченное и
исполниша вся и вся бе тако. Мы же дивящися чуду сему благодарно вопием
ти:*

*Радуйся домов христианских от бурь житейских надежное Защищение
радуйся браков православных доброе Благословение
Радуйся родителей о малых чадах присная Радосте
радуйся чадом убедительное Поучение
Радуйся Попечительная о мудрой и умощенной старости
радуйся радостной и целомудренной юности Наставнице
Радуйся жестоких и злобных мужей умиротворение
радуйся буших жен тишайшее упокоение
Радуйся Царице Небесная, Горо Тучная, еюже к человеком сниде Бог.*

Кондак 6

*Проповеда чудо велие от святей иконы Твоей ко всем жителям града Твери,
и видя яко дивяхуся и радовася христианы благочестивыя, зряше во святей
иконе Твоей готовое Заступление о граде сем, и о всей земли Русской,
установися праздник о чуде Богородицы и мы ликуя о сем благодарим
Господа поя Ему: Аллилуиа.*

Икос 6

*Возсия слава велия о чудесных знамениях бывших при святей иконе Твоей, и
привлекла еси к ней мнозих богомольцев, чающих получитьи от неисчетных
щедрот Твоих, и мы ныне помощи от Тебя требуя восхваляем Ти сице:
Радуйся град Твой Тверь от всякия напраслины избавляющая
радуйся и вся иныя грады российские охраняющая*

*Радуйся еяже храними и веси вси
радуйся еяже покров покрывает всяк язык православный
Радуйся умягчающая велиих
радуйся удобряющая малых
Радуйся с неюже присно радуемся о грядущем спасении
радуйся с неюже горце плачем о гресех и падениях наших
Радуйся Царице Небесная, Гору Тучная, еяже к человеку сниде Бог.*

Кондак 7

*Хотящу явити любовь свою всякому человеку грядущему в мир
Человеколюбец Бог даровал еси нам Пречистую Свою Матерь яко щедрую
Молитвенницу о немощех наших, мы же от нея научаемся добрым навыком
молитвы и пения Сыну Ея и Богу нашему: Аллилуиа.*

Икос 7

*Новая показала радость по Бозе, во терпении и любви, познаем ея благие
плоды от молитв и бдений пред иконою Твоею проводимых. Но что
праведному бремя легкое, то для грешнаго иго нестерпимое, тако и ныне не
все на пир Божий званнии обретаются аки избрании, обаче Ты и по тем
такожде печалуешься и молишь божественнаго своего Сына, да даст ослабу
и помощь малодушным и маловерам, ихже Он со святыми своими купно
искупи кровию своею. Мы же ведая Твое о нас многогрешных попечение
молим тя выну:*

*Радуйся грешных от греха Воззвание
радуйся скорбных ко смирению Наставление
Радуйся кающимся полное Прощение
радуйся гордым строгое Запрещение
Радуйся воинам Христовым твердость духа и отвагу Подающая
радуйся злочестивых врагов обращающая в страх и трепет
Радуйся уставших от трудов Ослабо
радуйся отчаянных от горя Утешение
Радуйся Царице Небесная, Гору Тучная, еяже к человеку сниде Бог.*

Кондак 8

*Странное чудо в Тебе показа Господь, яко Дева бе и по Рождестве Дева
пробываеши. Не точию во успении пребыла еси и во гробе, но и от земли
телесно вознесена бяхи Сыном Твоим, аще и в Небесех ныне суца, херувимов
честнейши и серафимов славнейши, обаче не обрете Тя отцы боговидцы
тамо, понеже Ты абие снизшла еси в помощь людем, научая их пети:
Аллилуиа.*

Икос 8

*Вся бе в вышних но и о нижних присно неотступное попечение имаши. Мы
же во образе Тучней Горы видим весь сонм глаголов Божиих к человечеству:
Гору Синайскую, тамо Закон Моисею дадеся; Гору Сионскую, тамо обрете*

народ избранный святыню себе; Гору Фаворскую, тамо открыся апостолом в Сыне Твоем малая часть Силы и Славы Его, Гору Елеонскую от нея же Вознесся Христос, Гору Афонскую, тамо Ты присно со иноцами до скончания века, яка и с нами zde. Мы же видя в сем образе завет между нами и Тобою Владычице воспеваем Тя сице:

Радуйся православную веру исповедывать всех научающая
радуйся злаго еретичества бежати призывающая

Радуйся Божиих глаголов верное толкование сообщающая
радуйся прежде проглаголанная пророки

Радуйся пастырям в проповедях высокое Вдохновение
радуйся богословам в трудах благое Вспоможение

Радуйся архиереом благосердечным мудрая Учительнице
радуйся иереом молитвенным высокая Вдохновительнице

Радуйся Царице Небесная, Горо Тучная, еюже к человекум сниде Бог.

Кондак 9

Всякое естество недоумеваша о чудней проповеди о Тебе, егда рече древний пророк Захария «Кто ты еси Горо великая, пред лицом Зоровавеля», той же основаша вторый Храм во Иерусалиме, ты же еси основа всей Церкви Божией, питавшая млеко Питающего всех своим Телом и Кровию, ему же песнь воспеваем: Аллилуиа.

Икос 9

Ветия многовещанная яко юроды гугнивыя жалким лепетом не возмогут прорещи речей вразумительных и о малой толике от безчисленных чудес при иконе Твоей являемых, мы же с любовью и верою припадаем и лобызаем ю и с сердечным трепетом воспеваем Ти сицевая:

Радуйся любовию паче злата и бисера Украшенная

радуйся Крине благоуханный благодати Божией

Радуйся Стамно исполненная чудес яко божественной манны

радуйся Кивоте в немже отобразися образ Божий

Радуйся слезами омывающая грехи чтущих Тя

радуйся Сосуде драгоценный в себе вселенную Сотворшаго имевшая

Радуйся наша Надежда несумненная

радуйся наша Броня и Покрове

Радуйся Царице Небесная, Горо Тучная, еюже к человекум сниде Бог.

Кондак 10

Спасти хотяй матерей многих от греха отчаянния, от греха смертнаго, Ты явила еси от иконы Твоей именуемой Тучная Горо скорое вспоможение чадам их малым от многоразличных скорбей и болезней, радуя и отцев купно радостию велией, да воспоют со всеми чтущими икону Твою Христу Богу: Аллилуиа

Икос 10

Стена крепкая была еси всем к Тебе прибегающим Владычице по прошествии времен возжелала еси Пречистая для чудотворной иконы Твоей имети свой престол в честь нея, и побудила еси древняго старца Коняева, выстроить оный в храме в честь смоленской иконы Твоей. Мы же видя нашего праотца таковое благое попечение, возглашаем Ти сице:

*Радуйся старцев благих тихая Радосте
радуйся строителем храмов Божиих неоскудеваемая Помоще
Радуйся исполняющих Заповеди Божии небесная наградо
радуйся разве Тебе иныя по Бозе помощи таковыя не имама
Радуйся преподобных благая Предводительнице
радуйся мучеников венцами Украсительнице
Радуйся святителей собор на небеси Венчающая
радуйся безмездных добродетелей Славо
Радуйся Царице Небесная, Горо Тучная, еюже к человеку сниде Бог.*

Кондак 11

Пение вознося Тебе внесоша святую икону Твою во храм Смоленский старец рече радостно: «Ныне отпущаеши Владыко», преосвященный же епископ Андрей приял еси Икону сию чудотворную и водрузи ю в иконостас храмовый. Мы же дивящися о Промысле Божием иже бе храм той на высокоей горе, иде спасася народ во дни высокого излияния волжских вод, яко ныне же гора сия стала воистину горою Божией, горою Тучною. Памятуя сие воспевает Богу: Аллилуиа

Икос 11

Светопримную свещу собою являеши даруя скорбящим очесам облегчение и полное исцеление, людие же увозя в дальние пределы тфферския земли благую весть о сем чуде возвещают, яко целебный елей от иконы Твоей являет благодать всемогущую. Мы же видя сие с теми воспевает Ти сице:

*Радуйся даже слепым очи отверзающая
радуйся безстыдным их на долго закрывающая
Радуйся глухим доброе слышание
радуйся наушников злых глухота
Радуйся немым уста глаголов благих исполняющая
радуйся злословия источники во веки затворяющая
Радуйся хромым хождение
радуйся расслабленных возстание
Радуйся Царице Небесная, Горо Тучная, еюже к человеку сниде Бог.*

Кондак 12

Благодать Твоя подается всем верующим во Христа Бога, злым же и безумным безбожником не знаемо даже слово сие, а не токмо действие благодати сей в человецех. Так и егда богомезкие и богоборные власти безумствуя люте заливаше кровию христианстей град Тферь и низверже храм святой, иже бе икона Твоя «Тучная Горо», нача убивати друг друга и не знаша ни покоя, не радости присно ибо не вем яко пети Богу: Аллилуиа

Икос 12

Поюще Тя и славяще дивные Твои о роде человеческом милости верные раби Божии хотя вновь обрести многомогущую себе заступницу, добре постясь и моляся, изобрази внове образ Твой Богородице Тучная Гора и якоже древле той бе во святей соборней церкви Вознесения Воршинской обители, тако и ныне в Вознесенстем храме града Тфери возобновися сего образа почитание, мы же видяше Божию милость о сих граде и храме честнем воспеваем Ти сицевая:

*Радуйся от Вознесения к Вознесению пришедшая
радуйся верных себе сынов и дочерей тамо нашедшая
Радуйся к тебе приходящих Радосте
радуйся Тебе поклоняющихся Отрадо
Радуйся добрых иконописцев благо творити управляющая
радуйся честных диаконов и иереев спасающая
Радуйся и певчим пети помогающая
радуйся и предстоящих и молящихся Тебе от бед оберегающая
Радуйся Царице Небесная, Гору Тучная, еюже к человеку сниде Бог.*

Кондак 13

О всепетая Мати и Заступнице рода христианского. Призри на тяготы и скорби и беды нас отяготившия, ныне колена наша преклонше молим Тя во умилении сердечнем, прими сие малое моление и ниспосли и нам рабом от Тебе рождагося Бога (имена) помощь, утверждение и вразумление, и сохрани наши семьи в мире, отжени всякую нашу болезнь и тяготу, обрати вспять всякого врага и супостата, привлецы к Себе и соедини в Бозе всех вопиющих Ему: Аллилуиа. Аллилуиа. Аллилуиа.

Сей кондак глаголется Трижды.

Икос 1

*Ангели со архангели дивяхуся древнему провидению Божию о Тебе, аще убо царь Давид прорече Тя псаломсте аки Гору Тучную, яко зря удел Твой земный, гору Афонскую, юже тучи покрываша во дне Твоего пришествия на ню, мы же поклоняся ныне всечестней иконе Твоей славословим Тя сице:
Радуйся Дева Пречистая, паче всех дев архангелом обрадованная
радуйся Жено еяже утроба ширше облак тучных
Радуйся Звездо являющая Солнце
радуйся Семя произрастившее Древо живота вечнаго
Радуйся Двере непроходимая еюже пройде создавший вся
радуйся Попечение о людех неустанное
Радуйся еюже раи обновляется
радуйся еяже молитва непрестанно возносится к Богу
Радуйся Царице Небесная, Гору Тучная, еюже к человеку сниде Бог.*

Кондак 1

*Избранная от всех родов людских, Пресвятая Богородице, сосуде чистый,
Невмещаемого вместившая, Горо, еяже пределы до Царствия Божия
достигают и ко Христу возводят зовущих Ти: Радуйся Царице Небесная,
Горо Тучная, ею же к человеку сниде Бог.*